

Chlynkunscht

Text und Musik
Jacob Stüchelberger

Wenn öp - per flö - tet singt und malt wenn öp - per dich - tet
nu de halt blöd isch nu - me: al - li wei stän - dig zei - ge
was si chöi und da - rum ha - ni oh her - jeh ke ein - zig frei - en
A - be meh und da - rum han - i oh her - jeh ke frei - en A - be meh

1. Wenn öpper flötet singt und malt
wenn öpper dichtet - nu de halt
blöd isch nume: alli wei
ständig zeige was si chöi

und darum hani - oh herjeh
ke einzig freien Abe meh

und darum hani - oh herjeh
ke freien Aber meh
2. My Nichte bispilswys oh schitt
macht bin're Laiebüni mit
si spili neuschters resolut
im Stück vom Schiller d'Räuberbrut

das mües i gseh ha - oh herjeh
s'isch ume Sunntigabe gscheh

das mües i gseh ha - oh herjeh
s'isch ume Sunntig gscheh
3. Und de dr Fritz singt als Tenor
sit langem scho im Männerchor
und dä git leider es Konzärt
i mües cho lose s'ygs derwärt

so isch es halt de - oh herjeh
ou ume Mäntigabe gscheh

so isch es halt de - oh herjeh
ou ume Mäntig gscheh
4. Ou ds Hanni wäri son es Nätts
wen äs doch nume - ohalätz
nid pantomimisch tätig wär
i weis i weis di Kuscht isch schwär

doch wäg paar Faxe - oh herjeh
isch's ume Zyschtigabe gscheh

doch wäg paar Faxe - oh herjeh
isch's ume Zyschti gscheh
5. Und erscht dr Hans - dasch ungerächt
dä blast Posune - schampar schlächt
und doch: ds Koservatorium
organisiert - dasch aber dumm

e Vortragsüebig - oh herjeh
s'isch ume Mittwuchabe gscheh

e Vortragsüebig - oh herjeh
s'isch ume Mittwuch gscheh
6. Und loset was my Zahnarzt trybt
dä bort nid nume - nei dä schrybt
so öppis birgt latänt di Gfahr
vo Läsige dasch sunneklar

ja ds Unglück nimmt sy Louf oh jeh
s'isch ume Donschtigabe gscheh

ja ds Unglück nimmt sy Louf oh jeh
s'isch ume Donschtig gscheh
7. Bim Gottechind bin i erbebt
jitz tanzt's nid nume - nei es steppt
es wünscht sech Schueh mit Yse dra
und gopferdeli - i mues gah

a ds Bümpliz-Stepping - oh herjeh
s'isch ume Frytigabe gscheh

a ds Bümpliz-Stepping - oh herjeh
s'isch ume Frytig gscheh
8. Was lueget dir mi soufräch a
mi wo da mit myr Klampfe stah -
wär rüeft da: scho mys erschte Lied
miech alls hie inne schlapp und müed

wär het da gsüfzet: oh herjeh
s'isch ume hüttig Abe gscheh?

d'Lüt hei ke Sinn für Chlynkunscht meh
und wüsst er: das tuet weh